

Javno komunalno preduzeće
"J a b l a n i c a" DD u stečaju
Jablanica

INFORMACIJA O RADU I POSLOVANJU

za period 01.01. do 31.12.2020. godine



Jablanica, februar 2021. godine

A – INFORMACIJA O RADU PREDUZEĆA ZA PERIOD 01.01. – 31.12.2020. GODINE

JKP "Jablanica" d.d. – u stečaju Jablanica je u ovom izvještajnom periodu vrlo kvalitetno, uspješno i kontinuirano pružalo svim svojim korisnicima na području općine Jablanica sve vrste komunalnih usluga pojedinačne i zajedničke komunalne potrošnje, redovno obavljalo sve potrebne poslove na održavanju objekata zajedničke komunalne potrošnje iz Programa održavanja objekata zajedničke komunalne potrošnje, koji su bitan faktor u unapređenju i zaštiti zdravlja stanovništva i nezaobilazan uslov za život i rad u urbanoj sredini.

U ovom izvještajnom periodu uplaćeno je ukupno 12 (dvanaest) rata po usvojenom stečajnom planu u iznosu od 218.701,40 KM. Na mjesečnom nivou preduzeće je u obavezi, mimo svih ostalih redovnih tekućih obaveza, po stečajnom planu uplaćivati iznos od cca 18.200,00 KM.

U cijelom izvještajnom periodu rad preduzeća je bio posebno značajno usmjeren na blagovremenu naplatu izvršenih fakturisanih komunalnih usluga i ostalih poslova, što je rezultiralo značajnim smanjenjem postojećih dugova, posebno kod stanovništva. Naplata postojećih dugova obezbjeđivala se učinkovito na više načina: redovnim opominjanjem dužnika, ugovorenim plaćanjem duga na više rata uz plaćanje redovnih mjesečnih računa za izvršene komunalne usluge, uskraćivanjem komunalne usluge, kao i podnošenjem tužbe kod nadležnog suda. U izvještajnom periodu podnesene su ukupno 60 tužbi sa ukupno utuženim iznosom od 18.333,07 KM.

Pokretanjem navedenih tužbi značajan broj utuženih korisnika komunalnih usluga je tokom izvještajnog perioda kroz vansudsko poravnanje sa preduzećem počeo uz redovno plaćanje ispostavljenih mjesečnih faktura za izvršene komunalne usluge otplaćivati i utuženi dug. U izvještajnom periodu potpisano je ukupno 20 sporazuma o plaćanju duga na rate sa ukupnim iznosom dugovanja u visini od 11.472,23 KM.

Uvođenjem stalnog praćenja stanja naplativosti izvršenih komunalnih fakturisanih usluga i primjenom zakonom dozvoljenih mjera naplate, naplativost fakturisanih komunalnih usluga koje se obračunavaju i fakturišu mjesečno u ovom izvještajnom periodu dovela se na razinu od 101,45 %, a ukupna naplativost komunalnih i vankomunalnih usluga u izvještajnom periodu iznosi 100,14 % (detaljnije u prilogu – izvještaju Službe za odnose sa kupcima).

I dalje je značajno izražen problem naplate izvršenih komunalnih usluga u naselju Glogošnica od domaćinstva jer negiraju snabdijevanje pitkom vodom iz regionalnog vodovoda "Komadinovo vrelo" i gravitacionog vodovoda "Šanica", iako se voda iz mjesnog vodovoda "Dibek" miješa sa vodom iz javnog vodovoda. JKP „Jablanica“ d.d. se još 1999. godine obraćalo MZ Glogošnica sa zahtjevom za rješavanje problematike plaćanja izvršenih komunalnih usluga, međutim izostao je odgovor, odnosno reakcija mještana i mjesne zajednice, sve do unazad nekoliko godina kada su se počela utuživati poraživanja prema istima, i kada je izvršenje pokrenuto preko novčanih primanja korisnika, odnosno dužnika. O ovom problemu je, također, tokom niza godina kroz izvještaje o poslovanju konstantno upoznavano i Općinsko vijeće Jablanica. Zbog svega, ovim putem ponovo ističemo da je krajnje vrijeme da se sa nivoa Općinskog vijeća Jablanica, a u saradnji sa MZ Glogošnica i komunalnim preduzećem riješi navedeni problem.

Izražen je i problem fakturisanja, a time i naplata izvršenih redovnih komunalnih usluga od individualnih potrošača u prigradskim naseljima (Doljani, Sovići, Slatina, Glogošnica, Ostrožac i dr.) uglavnom iz razloga odbijanja većine korisnika da prihvate plaćanje usluge odvoza otpada. Mjere naplate u ovim slučajevima putem nadležnog Općinskog suda u Konjicu ne daju zadovoljavajuće rezultate, dok su takse suda evidentan trošak preduzeću.

Napominjemo da je u ovom izvještajnom periodu na ime troškova sudskog postupka plaćeno ukupno 3.465,00 KM (takse, vještačenja i dr.). Iako je ukupan stepen naplativosti zadovoljavajući, naznačeni problemi tekuće naplate od individualnih potrošača ne smiju se zanemariti, niti zaobilaziti u traženju optimalnog efikasnog rješenja.

Također, od određenog broja korisnika je nemoguće naplatiti dugovanja za izvršene komunalne usluge zbog lošeg materijalnog – finansijskog stanja istih, bez obzira na poduzimanje niza zakonom predviđenih mjera. Obzirom na navedeno smatramo da je potrebno da se riješi plaćanje računa naših korisnika koji su u stanju socijalne potrebe, odnosno da se obezbijedi sufinansiranje za ovu kategoriju stanovnika. Međutim, postoji određeni broj korisnika koji uprkos solidnom materijalno – finansijskom stanju ne izmiruju svoje obaveze, a sudska naplata je nemoguća iz razloga jer isti nisu u radnom odnosu, odnosno nisu korisnici penzije, te nemaju imovine koju bi bilo lako unovčiti. U tom slučaju će se odlučnije poduzimati mjere na uskraćivanju komunalne usluge (isključivanje sa vodovodne mreže), što je zakonom dozvoljena mogućnost.

Posebno važno je napomenuti da je u ovom izvještajnom periodu preduzeće shodno odredbama Zakona o održavanju zajedničkih dijelova zgrada i upravljanja zgradama („Sl. novine FBiH“ br. 1/06) vršilo usluge iz predmetne oblasti po zaključenim ugovorima sa etažnim vlasnicima. Izvršene usluge su bile blagovremene, u traženom kvalitetu i pristupačnim cijenama. Na dan 31.12.2020. godine upravitelji smo u 88 ulaza, od toga broja u 1 ulazu smo prinudni upravitelji.

Za radnike koji su redovno zaposleni u preduzeću u izvještajnom periodu je uplaćeno ukupno 181.950,37 KM na ime doprinosa.

Po stanju zaposlenosti na dan 31.12.2020. godine preduzeće je imalo 54 zaposlena radnika. Redovno se izmiruju plaće, kao i druge naknade po osnovu radnog odnosa (topli obrok, prevoz i sl.). U ovom izvještajnom periodu na ime PDV-a uplaćeno je ukupno 181.994,00 KM.

U ovom izvještajnom periodu nisu plaćeni:

- doprinosi na ime PIO/MIO za period 04/20-12/20 u ukupnom iznosu od 138.247,72 KM,
- doprinosi za nezaposlenost za period 04/20-12/20 u ukupnom iznosu od 12.021,58 KM
- doprinosi za zdravstvo za 11. i 12. mjesec 2020. godine u ukupnom iznosu od 21.869,73

KM.

Predstavnik JKP “Jablanica” d.d. – u stečaju je prisustvovao sjednici Općinskog vijeća Jablanica, na kojoj je kao informacija razmatrano poslovanje JKP “Jablanica” d.d. – u stečaju za period 01.01.-31.12.2019. godine, kao i sjednici na kojoj je kao informacija razmatrano poslovanje JKP “Jablanica” d.d. – u stečaju za period 01.01.-30.06.2020. godine

U ovom izvještajnom periodu Odbor povjerenika koji se sastoji od 5 članova i to od predstavnika Porezne uprave FBiH, Kantonalni porezni ured Mostar, kao razlučnog povjerenika, predstavnika malih povjerenika, predstavnika radnika, predstavnika stečajnog dužnika i predstavnika Općine Jablanica je održao jednu sjednicu s ciljem upoznavanja sa izvještajem stečajnog upravnika o vođenju stečajnog postupka, izvještaju i informaciji o ispunjenju stečajnog plana, informaciji o radu i poslovanju stečajnog dužnika za period 01.01.-30.06.2020. godine, kao i o drugim bitnim pitanjima.

Moramo izraziti zadovoljstvo i saradnjom sa Općinom Jablanica, posebno sa Općinskim načelnikom, te se nadamo da će se takva saradnja nastaviti i u budućnosti.

Tokom cijelog izvještajnog perioda u preduzeću se kontinuirano vršila blagovremena nabavka potrebnih rezervnih dijelova za vozila i radne mašine, te nedostajuća sredstva za rad. Za ove namjene izdvojeno je ukupno 4.106,86 KM.

Ono što je posebno opteretilo poslovanje preduzeća u ovom izvještajnom periodu su isplate po pravosnažnim presudama, koje su donijete po tužbama sadašnjih i bivših radnika preduzeća podnesenih u periodu prije otvaranja stečajnog postupka (razlika na ime manje isplaćenih plata i drugih primanja po kolektivnom ugovoru, otkaz ugovora o radu), kao i isplata po presudi tužitelja PI Gradska pekara d.o.o. Jablanica, gdje je na Vrhovnom sudu FBiH preinačena drugostepena presuda, odnosno revizija tužitelja PI Gradska pekara d.o.o. Jablanica je djelimično usvojena. Po osnovu naprijed navedenog preduzeće je u ovom izvještajnom periodu isplatilo ukupan iznos (glavnica, kamate, troškovi postupka) u visini od 135.785,38 KM.

Treba istaći da je JKP "Jablanica" d.d. – u stečaju Jablanica u izvještajnom periodu polučilo u pružanju redovnih komunalnih usluga i u obavljanju ostalih poslova evidentno dobre rezultate koji se ogledaju u sljedećem:

- snabdijevanje pitkom i sa stanovišta kontrole kvaliteta vode čistom i zdravom vodom iz izvorišta "Šanica" svih dijelova grada i određenih prigradskih naselja bilo je uredno izuzev u periodu suša kada dotok vode nije bio dovoljan za snabdijevanje pitkom vodom, te se prelazilo na snabdijevanje sa izvorišta "Komadinovo vrelo".
- snabdijevanje pitkom i sa stanovišta kontrole kvaliteta vode čistom i zdravom vodom iz izvorišta "Komadinovo vrelo" svih dijelova grada i određenih prigradskih naselja bilo je bez redukcija i nestašica.
- gradska kanalizaciona mreža je uvijek bila u funkciji, slivnici za prihvat oborinskih voda su se redovno čistili i održavali u funkcionalnom stanju, uz čestu upotrebu specijalnog vozila „VOMA“ angažovanog iz JKP "Vodovod" Konjic za otklanjanje težih začepljenja uzrokovanih većinom nemarom u korištenju kućnih kanalizacija. Uređaji za prečišćavanje otpadnih voda na lokaciji Šljunkara za prihvat fekalne kanalizacije iz sjevernog dijela grada i na lokaciji uz Područnu osnovnu školu u naselju Glogošnica za prihvat fekalne kanalizacije iz većeg dijela naselja, kao i prečistači u naselju Ostrožac održavaju se i kontrolišu u radu prema postojećim uputstvima o radu tih uređaja od strane stručnih radnika preduzeća. Procesni problemi u radu tih uređaja su veoma česti, kao i česti zastoji u radu posebno uređaja na lokaciji Šljunkara. Taj uređaj godinama nije u funkciji,
- zbrinjavanje komunalnog otpada koje se sastoji od sakupljanja, odvoza i deponovanja na deponiju „Bukovo“ bilo je redovno tokom cijelog izvještajnog perioda, bez obzira na vremenske prilike. Od 2015. godine u stalnoj upotrebi je i novo specijalno vozilo za odvoz otpada IVECO dobijeno posredstvom Općine Jablanica od švedske razvojne agencije SIDA-e. Odvoz otpada na deponiju „Bukovo“ sa stanovišta pogodnosti dionice makadamskog puta za prevoz autosmečarima MAN i IVECO i u ovom izvještajnom periodu je bio bez problema i zastoja. Kompletna makadamska dionica puta za deponiju „Bukovo“ se redovno i kvalitetno održavala. Ovdje moramo naglasiti da se već dugi niz godina preduzeće, kao i stanovništvo općine Jablanica susreće sa problemom čestog paljenja deponije komunalnog otpada „Bukovo“, od strane nepoznatih lica, a često i poznatih koji, nažalost prođu nekažnjeno zbog ovih aktivnosti. Također moramo naglasiti da je u 2017. godini izvršen inspekcijski pregled deponije otpada „Bukovo“ od strane kantonalnog komunalnog inspektora kojom prilikom je konstatovano da je ista u katastrofalnom stanju, te je naložena sanacija u roku od 15 dana, što iziskuje znatna materijalna sredstva, koja preduzeće ne može samostalno osigurati. O izvršenom inspekcijskom nadzoru su blagovremeno obavještene nadležne općinske službe,

- ugovoreni poslovi iz Programa održavanja objekata zajedničke komunalne potrošnje tzv. "javna higijena" su se redovno izvršavali: pometanje ulica i odvoz smeća obavljali su se svakodnevno, te je čistoća grada bila na zadovoljavajućem nivou: čiste ulice, trotoari, šetališta, stepeništa itd.,
- održavanje javne gradske i prigradske rasvjete se sprovodilo kontinuirano, tako da nije bilo u zoni odgovornosti ovog preduzeća značajnije neosvjetljenih dijelova općine, tj. uočeni kvarovi su se, u zavisnosti od vremenskih prilika, odmah otklanjali,
- održavanje lokalnih puteva se sprovodilo kontinuirano, tako da nije bilo u zoni odgovornosti ovog preduzeća značajnijih primjedbi. Angažovani radnici su svakodnevno bili na dionicama puteva, mehanizacija preduzeća je bila uvijek na raspolaganju u otklanjanju iskrsljih smetnji za odvijanje saobraćaja, a u zimskim periodima je mehanizacija preduzeća sa postojećom opremom za zimsko održavanje puteva veoma brzo i efikasno dovodila sve puteve na području općine u prohodno stanje,
- ostali zadaci i poslovi iz drugih djelatnosti preduzeća obavljeni su na zadovoljavajući način i u obimu koji je u skladu sa potrebama općine i korisnika usluga ovog preduzeća.

Na kraju želimo da se osvrnemo i na rad preduzeća u vrijeme pandemije virusa COVID-19. Odmah po proglašenju pandemije virusa COVID-19 i uvođenja vanrednog stanja JKP Jablanica d.d. - u stečaju je sve svoje kapacitete stavila na raspolaganje Općinskom štabu Civilne zaštite, te je aktivnosti usmjerila na to kako bi i dalje obavljala poslove iz svog domena što kvalitetnije (prije svega održavanje javne higijene i redovno vodosnabdijevanje). Obavljanje ove aktivnosti podrazumijevalo je visok nivo zaštite zdravlja naših radnika, a sve u cilju da virus ne uđe među naše radnike jer bi to značilo obustavu rada ovog preduzeća. Mi nemamo kapacitete da uvodimo rad radnika u turnusima, ali smo određeni dio radnika slali na godišnje odmore kako bi smanjili mogućnost zaraze istih. Također, još početkom mjeseca marta smo uveli obavezno nošenje maski i rukavica na radnom mjestu kao i obaveznu dezinfekciju prostora za rad. Naglašavamo da su radnici zaposleni u komunalnim djelatnostima pored radnika zaposlenih u zdravstvenim ustanovama i policiji jedni od najizloženijih riziku od zaraze i prenošenja virusa COVID-19, te da se nalaze u veoma nezavidnom položaju, uzimajući u obzir da obavljaju najteže poslove i to dezinfekciju i čišćenje ulica i javnih površina, odvoženje smeća i sanitarnih otpadaka, uređenje okoliša, održavanje vodovodne i kanalizacione mreže i slično.

Obzirom na naprijed navedeno pobrojaćemo najvažnije aktivnosti našeg preduzeća u pomenutom periodu vezane su za borbu protiv COVID-19.

Obavili smo zajedno sa pripadnicima Profesionalne vatrogasne jedinice Jablanica dezinfekciju sa njihovim vozilima i to sa rastvorom na bazi hlora::

- od 18.03. - 22.03.2020 godine noćna dezinfekcija svih naselja i ulica kao i dječijih igrališta,
- dana 02.04.2020 godine obavili ponovno dezinfekciju naselja Glogošnica obzirom da je se u istom naselju pojavio virus COVID-19,
- od 15.04. - 17.04.2020 godine izvršili dezinfekciju u noćnim satima svih naselja na području općine,
- od 23.04. - 25.04.2020 godine u noćnim satima izvršili dezinfekciju svih naselja na području općine, kao i stepeništa i prolaza prema zgradama.

Pored dezinfekcije ulica, dječijih igrališta, kao i stepeništa i prolaza u gradu vršili smo i dezinfekciju kontejnera, autobusnih stajališta, te parking prostora i svih površina gdje je moguće okupljanje većeg broja stanovnika.

Također, vršili smo stalnu dezinfekciju u zgradama u kojima smo mi upravitelj. Ove aktivnosti smo obavljali:

- dana 19.03.2020 godine dezinfekcije uz angažman firme Desinfecta d.o.o. Sarajevo,
- u periodu 02.04-03.04.2020 godine dezinfekcija svih ulaza od strane naših radnika,
- u periodu 16.04-017.04.2020 godine dezinfekcija svih ulaza od strane naših radnika,
- u periodu 29.04-30.04.2020 godine dezinfekcija svih ulaza od strane naših radnika,
- u periodu 06.05-07.05.2020 godine dezinfekcija svih ulaza od strane naših radnika.

Uz ranije spomenutu dezinfekciju koje smo radili u svim ulazima u kojima smo upravitelj, a napominjemo da smo upravitelj u svim zgradama kolektivnog stanovanja, vršili smo stalnu dezinfekciju haustora u zgradama u kojima su bili oboljeli od virusa COVID-19. Također, izvršili smo i dezinfekciju kuće i dvorišta u Glogošnici kod porodice koja je imala 5 (pet) oboljelih, kao i dezinfekciju kuće na Slatini i prostora mejtefa u naselju Djevor.

Po nalogu Općinskog štaba Civilne zaštite smo vršili radove na izradi izolatorija na Koloniji u prostoru Bloka samaca.

Ovo su samo neke od pobrojanih aktivnosti koje je naše preduzeće obavljalo. Svi radnici, koji su inače opterećeni problemima jednog preduzeća u stečaju su do sada dali maksimum svojih mogućnosti kako bi u ovim otežanim uslovima obavljanja poslova pobijedili pošast koja se zove COVID-19, a sve u cilju normalizacije života na području naše općine.

B – IZVJEŠTAJ O FINANSIJSKOM POSLOVANJU PREDUZEĆA

U izvještajnom periodu 01.01.- 31.12.2020. godine preduzeće je u finansijskom poslovanju ostvarilo gubitak u iznosu 127.039,90 KM. U priloženim tabelama prikazani su elementi i pokazatelji finansijskog poslovanja preduzeća u izvještajnom periodu.

Ostvareni su ukupni prihodi u iznosu 1.686.555,77 KM i manji su za 11,21% u odnosu na prihode za isti izvještajni period iz 2019. godine, te ukupni rashodi u iznosu od 1.813.595,67 KM i manji su za 0,50% u odnosu na rashode za isti izvještajni period iz 2019. godine.

Iz priloženog Pregleda poslovanja – PRIHODI za izvještajni period vidljivo je sljedeće da u strukturi ukupno ostvarenih prihoda u izvještajnom periodu ostvareni prihodi:

- od redovnih komunalnih usluga učestvuju sa 49,01% od čega je:

✓ prihod od prodane vode	20,62%
✓ prihod od usluga kanalizacije	5,04%
✓ prihod od usluga odvoza smeća	18,77%
✓ prihod od održavanja vođomjera	4,58%

- od ostalih komunalnih usluga učestvuju sa 50,99% od čega je:

✓ prihod od taksi za priključke.....	1,63%
✓ prihod od održavanja javne rasvjete	2,08%
✓ prihodi od javne higijene	12,45%
✓ prihodi od pogrebnih usluga	0,00%
✓ održavanja nekategorisanih lokalnih puteva (redovno)	3,74%
✓ prihodi od radova	19,51%
✓ prihodi od upraviteljstva	6,37%
✓ prihodi od reciklaže	0,11%
✓ ostali prihodi	5,10%

Iz priloženog Pregleda poslovanja – RASHODI za izvještajni period vidljivo je sljedeće da u strukturi ukupno ostvarenih rashoda u izvještajnom periodu ostvareni pojedinačni rashodi su:

✓ rashodi od utrošenog materijala	8,41%
✓ rashodi od utrošenog goriva i energije	5,48%
✓ rashodi od plata, naknada zaposlenika i ostalnih ugovora.....	60,25%
✓ rashodi od ostalih usluga i troškova.....	11,53%
✓ rashodi od otpisa zastarjelih potraživanja.....	4,36%
✓ ostali rashodi	9,97%

PRILOG UZ INFORMACIJU O RADU I POSLOVANJU
JKP "JABLANICA" D.D. u stečaju za period 01.01. – 31.12.2020. godine
(TABELE):


1. Pregled poslovanja za period 01.01.-31.12.2020. godine (Prihodi i rashodi) – stranica 9. i 10.
2. Pregled naplativosti komunalnih i vankomunalnih usluga za period januar - decembar 2020. godine – stranica 11.

Broj: 369 / 21

Datum: 25.02.2021. godine



Stečajni upravnik


Sunulahpašić Asim, dipl.ecc.

PREGLEDA POSLOVANJA

ZA PERIOD OD 01.01. - 31.12.2020.GODINE

PRIHODI

Red. br.	Vrsta prihoda	Ostvareno
		2020.godina
1	2	3

I Prihodi od redovnih komunalnih usluga

1	Prihodi od vode	347.760,50
2	Prihodi od kanalizacije	85.060,90
3	Prihodi od odvoza smeća	316.527,60
4	Prihodi od naknada za održavanje vodomjera	77.290,86
UKUPNO (I):		826.639,86

II Prihodi od ostalih komunalnih usluga

5	Prihodi od taksi za priključak	27.598,23
6	Prihodi od održavanje javne rasvjete	34.999,92
7	Prihodi od javne higijene	209.999,88
8	Prihodi od pogrebnih usluga	0,00
9	Održavanje nekategorisanih lokalnih puteva, redovno održavanje	62.999,92
UKUPNO (II):		335.597,95

III Prihodi od ostalih usluga

10	Prihodi od radova	328.997,22
UKUPNO (III):		328.997,22

IV Ostali prihodi

11	Prihodi od upraviteljstva	107.365,74
12	Prihodi - reciklaža	1.813,32
13	Ostali prihodi	86.141,68
UKUPNO (IV):		195.320,74

UKUPNO PRIHODI : 1.686.555,77



RASHODI

Red. br.	Vrsta rashoda	Ostvareno
		2020.godina
1	2	3
1	Ugradbeni materijal	143.374,21
2	Ostali materijal	9.132,96
3	Električna energija	35.850,13
4	Gorivo, mazivo i plin	63.555,77
5	Rezervni dijelovi	11.712,21
6	Amortizacija stalnih sredstava	57.133,59
7	Otpisi i rashodi iz ranijih godina	41.101,60
8	Plate i naknade zaposlenih	1.036.719,06
9	Naknade po ugovorima	56.013,33
10	Reprezentacija	4.144,10
11	Osiguranje	5.697,78
12	Dnevnice i troškovi putovanja	2.499,00
13	PTT troškovi	16.034,05
14	Zdravstvene usluge	1.927,00
15	Advokatske usluge	20.236,25
16	Reklama i propaganda	0,00
17	Donacije i pomoć	1.000,00
18	Ostale usluge	65.522,72
19	Ostali troškovi	143.386,58
20	Troškovi zajedničkih službi	3.144,32
21	Troškovi usavršavanja	1.755,16
22	Ostali porezi, naknade, takse i članarine	11.050,04
23	Administrativne i druge takse	3.465,00
24	Otpis zastarjelih potraživanja	79.140,81
UKUPNO RASHODI:		1.813.595,67

VIŠAK PRIHODA NAD RASHODIMA -127.039,90



JKP "Jablanica" dd u stečaju
Jablanica

PREGLED NAPLATIVOSTI KOMUNALNIH I VANKOMUNALNIH USLUGA ZA PERIOD JANUAR - DECEMBAR 2020 GODINE

R. br.	Korisnik	Komunalne usluge			Vankomunalne usluge			Rekapitulacija usluga		
		Fakturisano	Naplaćeno	Procent naplate	Fakturisano	Naplaćeno	Procent naplate	Ukupna realizacija (3+6)	Ukupno naplaćeno (4+7)	Ukupna naplativost
1	2	3	4	5	6	7	8	9	10	11
1	Individualni korisnici	610.226,75	621.670,65	101,88%	20.923,02	18.634,30	89,06%	631.149,77	640.304,95	101,45%
2	Javne ustanove, državna i društvena preduzeća	53.156,94	51.935,60	97,70%	273.661,86	272.396,81	99,54%	326.818,80	324.332,41	99,24%
3	Privatna preduzeća i radnje	325.369,79	321.843,28	98,92%	231.582,97	230.499,42	99,53%	556.952,76	552.342,70	99,17%
	UKUPNO:	988.753,48	995.449,53	100,68%	526.167,85	521.530,53	99,12%	1.514.921,33	1.516.980,06	100,14%

Operativno tehničko vođenje poslova
Adis Šabanović dipl. ecc.

